

Faise constar que o presente convenio foi aprobado por Resolución de Presidencia número 42.772 de 30 de decembro de 2020.

E en proba de conformidade, ambas as partes asinan o presente Convenio por cuadruplicado exemplar no lugar e data indicados no encabezamento.

**O PRESIDENTE DA DEPUTACIÓN
PROVINCIAL DA CORUÑA**

**O ALCALDE PRESIDENTE DO CONCELLO DE
COIRÓS**

Asdo.: D. Valentín González Formoso

Asdo.: D. Francisco Quintela Requeijo

**O SECRETARIO XERAL
DA DEPUTACIÓN PROVINCIAL DA CORUÑA**

Asdo. JOSÉ LUIS ALMAU SUPERVÍA



EXCMA DEPUTACION PROVINCIAL DA CORUÑA
SERVIZO DE PATRIMONIO E CONTRATACION



CONCELLO DE COIRÓS

Número 38 /2021

CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E O CONCELLO DE COIRÓS PARA INSTRUMENTALIZAR A XESTIÓN DO “CENTRO DE INTERPRETACIÓN DO ENTORNO FLUVIAL DO RÍO MANDEO (2021)”, SITUADO NO LUGAR DE CHELO (COIRÓS), NO MARCO DO “PROXECTO MANDEO. POSTA EN VALOR DAS CONCAS FLUVIAIS. 1ª FASE RÍO MANDEO” COFINANCIADO POR FONDOS FEDER

Na Coruña, a 16 de abril de 2021.

REUNIDOS

Dunha parte D. Valentín González Formoso, Presidente da Deputación Provincial da Coruña e

Doutra D. Francisco Quintela Requeijo, Alcalde Presidente do Concello de Coirós

Os comparecentes interveñen no uso das facultades que, por razón dos seus cargos, teñen atribuídas e,

EXPOÑEN

1º.- Que é interese coincidente da Deputación e do concello promover o desenvolvemento da conca do río Mandeo no ámbito territorial de cada unha das administracións actúantes, de acordo cos obxectivos e contidos do proxecto denominado “Mandeo. Posta en valor da conca fluvial. 1ª Fase río Mandeo” cofinanciado polo Fondo Europeo de Desenvolvemento Rexional, en virtude da Resolución de 13 de xuño de 2008, da Secretaría de Estado de Cooperación Territorial

2º.- Que unha vez executadas pola Deputación Provincial as obras e instalacións do proxecto emprazadas no termo municipal de Coirós, ambas as institucións coinciden na conveniencia de abrir as canles de colaboración para a posta en valor do conxunto.

3º.- Que, coa finalidade de establecer as condicións de colaboración necesarias, para a posta en valor do Centro de Interpretación do Entorno Fluvial do Río Mandeo, situado no lugar de Chelo (Coirós), a Deputación Provincial da Coruña e o Concello de Coirós acordan subscribir o presente convenio, segundo as seguintes

CLAUSULAS

PRIMEIRA: OBXECTO

O convenio ten por obxecto establecer as bases de colaboración entre a Excma. Deputación provincial da Coruña e o Concello de Coirós CIF P1502700F, para garantir a apertura do Centro de interpretación do entorno fluvial do Río Mandeo situado no lugar de Chelo, no ámbito territorial deste concello, durante o ano 2021.

SEGUNDA: OBRIGAS DO CONCELLO DE COIRÓS

1. O Concello de Coirós achegará o persoal necesario para a atención a visitantes do Centro de interpretación do entorno fluvial do Río Mandeo desde o 01 de xaneiro de 2021 ata o 31 de decembro de 2021. O Concello porá en funcionamento o centro e encargárase das visitas que se reciban.
2. O Concello de Coirós comprométese á apertura do centro de acordo cos horarios que se establecen na cláusula QUINTA.

3. O Concello de Coirós organizará visitas ao centro durante o período indicado (12 meses). No marco do presente convenio, o concello organizará como mínimo 2 visitas ao mes, para o que establecerá contactos con colexios, institutos e asociacións do municipio, así como coas demais entidades da conca do Mandeo.
Neste sentido, durante este período o Concello levará un rexistro/libro de visitas ao centro, así como a elaboración dun dossier fotográfico das visitas realizadas.
4. O Concello de Curtis comprométese a facer constar a colaboración da Deputación da Coruña nas actividades obxecto deste convenio.

TERCEIRA: OBRIGAS DA DEPUTACIÓN DA CORUÑA

1. A Deputación da Coruña achegará ao Concello Coirós a cantidade máxima que se indica na cláusula SEXTA para a contratación do persoal durante o período establecido.
2. A Deputación da Coruña poñerá a disposición do Concello de Coirós material didáctico e promocional e medios técnicos xerados no marco do proxecto Mandeo para o seu uso no centro.
3. Durante a duración deste Convenio, todos os gastos do Centro, excepto o persoal, serán a cargo da Deputación

CUARTA: OBRIGAS COMÚNS DA DEPUTACIÓN DA CORUÑA E DO CONCELLO DE CURTIS

- A Deputación da Coruña asume o seguinte compromiso e obriga “Garantir o correcto estado de conservación das obras e instalacións executadas e polo tanto o cumprimento do artigo 57 do Regulamento (CE) N° 1083/2006, polo que se establecen as disposicións xerais relativas ao Fondo Europeo de Desenvolvemento Rexional, no referido á invariabilidade das operacións”.

Artigo 57.O Estado membro ou a autoridade de xestión garantirán que unha operación unicamente reteña a contribución dos Fondos se non sofre, antes de transcorridos cinco anos do seu fin, ou antes de tres anos, unha modificación substancial:

- a) *que afecte á súa natureza ou ás súas condicións de execución ou que otorgue a unha empresa ou a un organismo público vantaxes indebidas,e*
- b) *que se derive dun cambio na natureza da propiedade*

- O Concello de Coirós garante a apertura do centro.

QUINTA: ATENCIÓN DE VISITANTES E HORARIO

Os servizos de atención a visitantes e demais actividades deberán prestarse por profesional cualificado, ben con persoal propio do concello ou ben cos correspondentes contratos que realice ao amparo do establecido no Real Decreto Lexislativo 3/2011, do 14 de novembro polo que se aproba o texto de Contratos do Sector Público. En ningún caso o persoal que adscriba o concello ao obxecto do contrato baixo calquera modalidade laboral ou administrativa, suporá creación de relación laboral algunha coa Excma. Deputación provincial da Coruña.

O Concello de Coirós comprométese á apertura do centro de acordo cos seguintes horarios, que poderán ser modificados por razóns organizativas:

DESDE 1 XANEIRO ATA 31 DE DECEMBRO 2021	
Venres	De 10h a 13h e de 16h a 19h
Sábado e domingo	De 10h a 13h e de 16h a 19h
Luns a xoves e festivos	Pechado

SEXTA: FINANCIAMENTO

- 1.- A Deputación provincial da Coruña abonará o 100 % dos gastos non cubertos por ingresos da actividade, durante a anualidade de 2021, do 01 de xaneiro de 2021 ao 31 de decembro de 2021, ata un máximo de **15.363,09 €**, con cargo á aplicación orzamentaria **0112/3336/22609**.
- 2.- No caso de que os gastos xustificados non cubertos con ingresos da actividade, foran superiores, a achega provincial non superará en ningún caso a cantidade indicada na presente cláusula

SÉTIMA: FORMA DE PAGO

A Deputación Provincial abonará ao Concello de Coirós a achega correspondente a cada anualidade da seguinte maneira:

Efectuaranse 4 pagos trimestrais, polo importe correspondente ao 100 % dos gastos non cubertos por ingresos da actividade, correspondentes ao citado trimestre e correspondentes a períodos vencidos, ata un máximo de 15.363,09 € durante a anualidade de 2021. En consecuencia non se efectuará ningún pago por anticipado. Requirirán a presentación de certificación de gastos e ingresos durante o devandito trimestre, expedida polo Secretario co visto e prace do Alcalde-Presidente do Concello de Coirós.

Acompañarase ademais memoria onde se indicarán as actividades realizadas, persoal adscrito aos servizos e informe estatístico de visitantes.

Cada pago requirirá informes favorables dos Servizos de Patrimonio e Contratación e de Fiscalización.

Para a cobranza de cada unha das achegas provinciais, o Concello de Coirós deberá presentar certificación de estar ao corrente das obrigacións tributarias e de seguridade social.

Así mesmo deberá estar ao corrente das súas obrigacións fiscais coa Deputación provincial da Coruña, situación de que se determinará de oficio a través do Servizo Provincial de Recadación.

O Concello deberá presentar certificación dos ingresos producidos por achegas de entidades públicas ou privadas, se os houbese.

O importe da achega da Deputación provincial da Coruña, en concorrencia con outros ingresos non poderá superar o importe total dos gastos realizados.

OITAVA: SUPERVISIÓN POLA DEPUTACIÓN

Sen prexuízo das facultades de vixilancia e inspección que corresponden á Presidencia da Deputación Provincial, o Servizo de Patrimonio e Contratación por si ou a través doutros Servizos Técnicos da Deputación, poderá inspeccionar en calquera momento o estado do inmovible e bens adscritos, e o cumprimento dos fins do presente convenio.

NOVENA: UTILIZACIÓN POLA DEPUTACIÓN

A Deputación provincial da Coruña poderá realizar no inmovible as actividades que estime oportunas.

DÉCIMA: VIXENCIA

O presente convenio terá unha vixencia desde o 1 de xaneiro de 2021 e finalizará ata o 31 de marzo do ano 2022. O devandito prazo será improrrogable. A efectos de imputación de gastos, este convenio abarcará exclusivamente os devengados entre o 1 de xaneiro de 2021 e o 31 de decembro de 2021, tendo que estar presentada a documentación xustificativa un mes antes da finalización do prazo de vixencia.

DÉCIMOPRIMEIRA: NATUREZA XURÍDICA

O presente convenio ten carácter administrativo quedando as partes suxeitas á xurisdición dos tribunais contencioso-administrativos para resolver os conflitos que puidesen xurdir na súa aplicación.

DÉCIMOSEGUNDA: CAUSAS DE RESOLUCIÓN

Serán causas de resolución do presente convenio:

- O incumprimento das cláusulas do convenio.
- A falta de xustificación das cantidades na forma establecida no convenio.